
OFFERYNNAU STATUDOL
CYMRU

2018 Rhif 772 (Cy. 156)

**IECHYD PLANHIGION,
CYMRU**

**Gorchymyn Iechyd Planhigion
(Tystysgrifau Allforio) (Cymru)
(Diwygio) 2018**

NODYN ESBONIADOL

(Nid yw'r nodyn hwn yn rhan o'r Gorchymyn)

Mae'r Gorchymyn hwn yn diwygio Gorchymyn Iechyd Planhigion (Tystysgrifau Allforio) (Cymru) 2006 er mwyn darparu ar gyfer cynnydd yn y ffioedd sy'n daladwy ar gyfer gwasanaethau mewn cysylltiad â cheisiadau am dystysgrifau ffytoiechydol (gan gynnwys tystysgrifau ffytoiechydol ar gyfer ailallforio) a gwasanaethau cyn-allforio cysylltiedig.

Ystyriwyd Cod Ymarfer Gweinidogion Cymru ar gynnal Asesiadau Effaith Rheoleiddiol mewn perthynas â'r Gorchymyn hwn. O ganlyniad, ystyriwyd nad oedd yn angenrheidiol cynnal asesiad effaith rheoleiddiol o'r costau a'r manteision sy'n debygol o ddeillio o gydymffurfio â'r Gorchymyn hwn.

OFFERYNNAU STATUDOL
CYMRU

2018 Rhif 772 (Cy. 156)

**IECHYD PLANHIGION,
CYMRU**

**Gorchymyn Iechyd Planhigion
(Tystysgrifau Allforio) (Cymru)
(Diwygio) 2018**

Gwnaed 27 Mehefin 2018

*Gosodwyd gerbron Cynulliad Cenedlaethol
Cymru* 29 Mehefin 2018

Yn dod i rym 25 Gorffennaf 2018

Mae Gweinidogion Cymru, gyda chydysniad y Trysorlys, a thrwy arfer y pwerau a roddir gan adrannau 3 a 4A o Ddeddf Iechyd Planhigion 1967(1), yn gwneud y Gorchymyn a ganlyn:

Enwi, cymhwyso a chychwyn

1. Enw'r Gorchymyn hwn yw Gorchymyn Iechyd Planhigion (Tystysgrifau Allforio) (Cymru) (Diwygio) 2018, mae'n gymwys o ran Cymru a daw i rym ar 25 Gorffennaf 2018.

**Diwygio Gorchymyn Iechyd Planhigion
(Tystysgrifau Allforio) (Cymru) 2006**

2.—(1) Mae Gorchymyn Iechyd Planhigion (Tystysgrifau Allforio) (Cymru) 2006(2) wedi ei ddiwygio fel a ganlyn.

-
- (1) 1967 p. 8; diwygiwyd adran 3(1) gan baragraff 8(2)(a) a (b) o Atodlen 4 i Ddeddf y Cymunedau Ewropeaidd 1972 (p. 68) ac O.S. 2011/1043. Mewnosodwyd adran 4A gan adran 3 o Ddeddf Amaethyddiaeth 1986 (p. 49). Mae'r pwerau a roddir gan adrannau 3 a 4A yn cael eu rhoi i "competent authority" ("awdurdod cymwys"), a ddiffinnir yn adran 1(2). Diwygiwyd adran 1(2) gan baragraff 43 o Atodlen 2 i O.S. 2013/755 (Cy. 90). Mae adran 1(2), fel y'i diwygiwyd, yn darparu mai'r awdurdod cymwys ar gyfer Cymru yw Gweinidogion Cymru.
- (2) O.S. 2006/1701 (Cy. 163), a ddiwygiwyd gan O.S. 2013/1658 (Cy. 156), O.S. 2014/1759 (Cy. 174) ac O.S. 2016/1084 (Cy. 259).

(2) Yn lle erthygl 5 rhodder—

“5.—(1) Mae’r ffioedd a bennir yn y tabl yn Atodlen 3 yn daladwy mewn cysylltiad â’r gwasanaethau a ddisgrifir yng ngholofn 1 o’r tabl gan berson sy’n gwneud cais am dystysgrif neu wasanaeth cyn-allforio.

(2) Swm y ffi mewn cysylltiad ag unrhyw wasanaeth a ddisgrifir yng ngholofn 1 o’r tabl yn Atodlen 3 yw—

- (a) yn achos allforiwr bach nad yw, ar ddyddiad y cais, ond wedi bod yn atebol yn ystod y flwyddyn ariannol pan wneir y cais i dalu ffioedd o £250 neu lai mewn cysylltiad â gwasanaethau o dan y Gorchymyn hwn, y swm a bennir yn y cofnod cyfatebol yng ngholofn 3 y tabl hwnnw, a bennir yn unol â’r cofnodion ar gyfer y gwasanaeth hwnnw yng ngholofn 2 y tabl hwnnw;
- (b) mewn unrhyw achos arall, y swm a bennir yn y cofnod cyfatebol yng ngholofn 4 y tabl hwnnw, a bennir yn unol â’r cofnodion ar gyfer y gwasanaeth hwnnw yng ngholofn 2 y tabl hwnnw.

(3) Mae’r ffioedd a bennir yn y cofnodion yng ngholofnau 3 a 4 o’r tabl yn Atodlen 3 mewn cysylltiad ag arolygiad o lwyth neu archwiliad o arolygiad grawn yn daladwy ar gyfer pob 15 munud (neu ran ohono) a dreuliwyd yn cynnal yr arolygiad neu’r archwiliad ac unrhyw weithgareddau cysylltiedig, yn ddarostyngedig i isafswm y ffioedd a bennir yn y cofnodion hynny.

(4) Pan fo person yn cyflwyno cais am dystysgrif neu wasanaeth cyn-allforio neu’n cyflwyno archiad i ddiwygio tystysgrif ar bapur (ac nid ar-lein), mae’r ffi ychwanegol a ganlyn yn daladwy mewn cysylltiad â’r cais neu’r archiad—

- (a) yn achos allforiwr bach nad yw, ar ddyddiad y cais neu’r archiad, ond wedi bod yn atebol yn ystod y flwyddyn ariannol pan wneir y cais neu’r archiad i dalu ffioedd o £250 neu lai mewn cysylltiad â gwasanaethau o dan y Gorchymyn hwn, £7.43;
- (b) mewn unrhyw achos arall, £14.86.

(5) Mae unrhyw ffi sy’n daladwy o dan yr erthygl hon yn daladwy i Weinidogion Cymru ar gais.

(6) Yn yr erthygl hon, ystyr “allforiwr bach”, mewn perthynas â chais am dystysgrif neu

wasanaeth cyn-allforio neu mewn perthynas ag archiad i ddiwygio tystysgrif, yw person—

- (a) yn y flwyddyn ariannol y gwnaed y cais neu'r archiad ynddi—
 - (i) nad yw'n berson trethadwy at ddibenion Deddf Treth ar Werth 1994⁽¹⁾; neu
 - (ii) nad yw'n cyflenwi'n drethadwy blanhigion, cynhyrchion planhigion, hadau, pridd neu beiriannau amaethyddol at ddibenion Deddf Treth ar Werth 1994; neu
- (b) yn y flwyddyn ariannol cyn y flwyddyn pan wneir y cais neu'r archiad, sydd wedi allforio nwyddau a thystysgrif gyda hwy yr oedd cyfanswm eu gwerth yn llai na £5,000.”

(3) Yn lle Atodlen 3 rhodder—

“ATODLEN 3 Erthygl 5(1)

Ffioedd gwasanaethau tystysgrifau allforio a gwasanaethau cyn-allforio

Yn yr Atodlen hon—

ystyr “cyfnod 1” (“*period 1*”) yw'r cyfnod sy'n dod i ben ar 30 Medi 2018;

ystyr “cyfnod 2” (“*period 2*”) yw'r cyfnod sy'n dechrau ar 1 Hydref 2018 ac sy'n dod i ben ar 31 Mawrth 2019.

(1) 1994 p. 23.

(1) <i>Gwasanaeth</i>	(2) <i>Dyddiad</i>	(3) <i>Ffi (£)</i>	(4) <i>Ffi (£)</i>
Arolygiad o lwyth	Yn achos arolygiad a gynhelir yng nghyfnod 1	34.44 am bob 15 munud (neu ran ohono), yn ddarostyngedig i isafswm ffi o 68.88	68.88 am bob 15 munud (neu ran ohono), yn ddarostyngedig i isafswm ffi o 137.76
	Yn achos arolygiad a gynhelir yng nghyfnod 2	35.38 am bob 15 munud (neu ran ohono), yn ddarostyngedig i isafswm ffi o 70.76	70.76 am bob 15 munud (neu ran ohono), yn ddarostyngedig i isafswm ffi o 141.52
	Yn achos arolygiad a gynhelir ar 1 Ebrill 2019 neu ar ôl hynny	36.80 am bob 15 munud (neu ran ohono), yn ddarostyngedig i isafswm ffi o 73.60	70.76 am bob 15 munud (neu ran ohono), yn ddarostyngedig i isafswm ffi o 141.52
Archwiliad o arolygiad grawn a gynhelir yn unol ag erthygl 3(3)	Yn achos archwiliad a gynhelir yng nghyfnod 1	9.90 am bob 15 munud (neu ran ohono), yn ddarostyngedig i isafswm ffi o 19.80	19.80 am bob 15 munud (neu ran ohono), yn ddarostyngedig i isafswm ffi o 36.90
	Yn achos archwiliad a gynhelir yng nghyfnod 2	11.55 am bob 15 munud (neu ran ohono), yn ddarostyngedig i isafswm ffi o 23.10	23.10 am bob 15 munud (neu ran ohono), yn ddarostyngedig i isafswm ffi o 46.20
	Yn achos archwiliad a gynhelir ar 1 Ebrill 2019 neu ar ôl hynny	13.20 am bob 15 munud (neu ran ohono), yn ddarostyngedig i isafswm ffi o 26.40	26.40 am bob 15 munud (neu ran ohono), yn ddarostyngedig i isafswm ffi o 52.80
Archwiliad mewn labordy	Yn achos archwiliad mewn labordy a gynhelir yng nghyfnod 1	7.69 am bob sampl a brofir	15.38 am bob sampl a brofir
	Yn achos archwiliad mewn labordy a gynhelir yng nghyfnod 2	11.53 am bob sampl a brofir	23.07 am bob sampl a brofir
	Yn achos archwiliad mewn labordy a gynhelir ar 1 Ebrill 2019 neu ar ôl hynny	15.38 am bob sampl a brofir	30.76 am bob sampl a brofir
Dyrodidi Tystysgrif	Yn achos tystysgrif a ddyroddir yng nghyfnod 1	9.11 am bob tystysgrif	18.23 am bob tystysgrif
	Yn achos tystysgrif a ddyroddir yng nghyfnod 2	10.20 am bob tystysgrif	20.41 am bob tystysgrif
	Yn achos tystysgrif a ddyroddir ar 1 Ebrill 2019 neu ar ôl hynny	11.29 am bob tystysgrif	22.59 am bob tystysgrif

Diwygio tystysgrif ar archiad yr allforiwr		7.43 am bob tystysgrif	14.86 am bob tystysgrif ”
--	--	------------------------	---------------------------

(4) Hefgorer Atodlen 4.

Hannah Blythyn

Gweinidog yr Amgylchedd o dan awdurdod Ysgrifennydd y Cabinet dros Ynni, Cynllunio a Materion Gwledig, un o Weinidogion Cymru

27 Mehefin 2018